

DIKOMITI TŠA NTLO YA BOSETŠABA

- Mošomo wo montši wa Ntlo ya Bosetšaba o diragala dikomiting.
- Dikomiti tša Ntlo ya Bosetšaba di bitšwa Dikomiti tša Photefolio.
- Mošomo wa komiti ye nngwe le ye nngwe o amana le kgoro ye itšego ya mmušo. Mohlala, Komiti ya Photefolio ya Kgwebo le Intasteri e šoma ka ditaba kamoka tše di amago Kgoro ya Kgwebo le Intasteri.
- Komiti ye nngwe le ye nngwe e na le modulasetulo go netafatša gore mošomo o sepela ka thelelo.
- Dikomiti tša Photefolio di rwele maikarabelo a go ahlaahla, go boledišana le go fetola Melaokakanywa.
- Dikomiti di ka swara Ditheetšo tša Setšaba ka melao goba merero yeo e amanago le tša molao.
- Gape dikomiti di rwele maikarabelo a go lekola le go bea leihlo mošomo wa dikgoro tša mmušo.

BOTŠEAKAROLO BJA SETŠABA

- Go ya ka Molaotheo, Palamente e gapeletšega go akaretša setšaba go direng melao le ditshepedišo tše dingwe tša Palamente.
- Dikomiti tša Diphotefolio di gapeletšega go bonana le maloko a setšaba go re ba hwetše kgopolu ka Molaokakanywa goba go kwa dikgopolu tša bona ka ditaba tše bohlokwa tša setšaba.
- Setšaba se tutuetšwa go tše karolo ditshepedišong ge dikomiti di swara Ditheetšo tša Setšaba.
- Batho bao ba ikemetšego ka bo bona goba ka dihlopha le bona ba tutuetšwa go re ba dire ditšhišinyo ka ditaba tše di ba amago.
- Maloko a setšaba a na le tokelo ya go tše karolo ditshepedišong le medirong ya Palamente ka:
 - Go tsenela dikopano tša Dikomiti tša Diphotefolio.
 - Go ikgolaganya le Maloko a Palamente bao ba šomago ka Ntlong ya Bosetšaba go botšisa go ba go kgopela tshedimošo ka mošomo wa bona Palamenteng.
 - Go tsenela Ditheetšo Tša Setšaba tše di swarwago ke Dikomiti tša Diphotefolio.
 - Go bogela dipoledišano ka Ntlong mohlala: Kgetho ya Kabotekanyešo.
 - Go tliša mangwalo a dikgopelo goba dingongorego go Palamente ka taba efe go ba efe yeo e lego ya bohlokwa. Dikgopelo goba dingongorego di swanetše gore di thekgwe ke leloko la Palamente.

Letlakajana le le hwetšagala ka maleme a semmušo kamoka a Afrika Borwa.

PARLIAMENT
OF THE REPUBLIC OF SOUTH AFRICA



Produced by the Public Education Office • Parliamentary Communication Services • INSPIRED BY PEOPLE
www.parliament.gov.za • P.O. Box 15, Cape Town, 8000 • Telephone: (021) 403 3341 • Facsimile: (021) 403 3303



PARLIAMENT
OF THE REPUBLIC OF SOUTH AFRICA



The National Assembly

National Assembly

PALAMENTE YA AFRIKA BORWA

Palamente e na le dintlo tše pedi, tše di bitšwago Ntlo ya Bosetšhaba le Khansele ya Bosetšhaba ya Diprofense.

NTLO YA BOSETSHABA (NA)

- Ntlo ya Bosetshaba (NA) e kgethwa mengwaga ye mengwe le ye mengwe ye mehlano mo dikgethong tsa bosetshaba.
- Ka nako ya dikgetho bakgethi ba a kgetha gore ke mang yoo ba nyakago gore abe moemedi wa bona ka go boutela mekgatlo ya dipolotiki yeo ba e ratago.

KAROLO YEO E BAPALWAGO KE NTLO YA BOSETSHABA(NA)

Ntlo ya Bosetshaba(NA) e filwe ke molaotheo maatla a go:

Dira Melao

- Ye nngwe ya mediro ye megolo ya NA ke go dira melao ya go buša naga.
- NA e fetišetša Melaokakanywa go Dikomiti gore di e tšweletše le go ahlaahlha Melaokakanywa.
- NA e ka dumela, e ka gana goba go bušetša Melaokakanywa go Dikomiti gore di tšwelepele ka kahlaahlo.

Mošomo wa Tekodišio

- Palamente e na le mošomo wa go tsitsinkela, go lekola le go laola ditiro tša mmušo goba setho se fe goba se fe sa Mmušo, mabapi le go tsenywa tirišong ga melao, go šomiša kabotekanyetšo, le tatelo ya Molaotheo.
- Palamente e dira gore Khuduthamaga e rwale maikarabelo ka go dumela dikabotekanyetšo, ka go botšiša dipotšišo tsa palamente, go swara dipoledišano tsa palamente ka ditaba tše bohlokwa le ka go šišinya le go kgetha ditšhišinyo tše di amago mošomo wa mmušo.

Go kgetha Mopresidente

- Ntlo ya Bosetshaba (NA) e na le taelo ya molaotheo ya go kgetha Mopresidente wa Afrika Borwa go tšwa ka gare ga Maloko a yona.

NTLO YA BOSETSHABA E HLAMILWE BJANG?

- Ntlo ya Bosetshaba (NA) e na le maloko a 400 a kgethilwego go ba Maloko a Palamente (MPs).

- Maloko a Ntlo ya Bosetshaba (NA) a kgethwa go ya ka mokgwa woo o bitšwago kemedi ya go lekalekana.
- Pele ga dikgetho, mokgatlo wo mongwe le wo mongwe o thala lenaneo la bo nkgetheng go ya ka tatelano ya dikgahlego. Kemoka bo nkgetheng ba ba kgethwa ka go lekalekana le nomoro ya dikgetho yeo mokgatlo o e fenyago dikgethong. Mohlala, ge mokgatlo o ka fenza ka seripagare sa dikgetho, e tla swara seripagare sa ditulo ka Ntlong ya Bosetshaba(NA).

BAHLANKEDI BA NTLO YA BOSETSHABA

Bahlankedi ba go sepetša mediro

- Ka tulo ya mathomo ya Ntlo ya Bosetshaba (NA), maloko a Ntlo ya Bosetshaba (NA) a kgetha Seboledi le Motlatša Seboledi bao ba bitšwago Bahlankedi ba go Sepetša mediro ya Ntlo.
- Bahlankedi ba go Sepetša mediro ba fiwa marapo a go sepetša ditaba tsa Ntlo ya Bosetshaba.
- Seboledi le Motlatša Seboledi ba Palamente ba hlahlala dikopano tsa Ntlo ya Bosetshaba.
- Ba netefatša gore Maloko a Palamente a bolela ka tokologo, efela ba latela melao ya Ntlo.

Badulasetulo ba Ntlo

Melao ya Ntlo e dumelela Badulasetulo ba Ntlo go thuša Bahlankedi ba go Sepetša mediro go diragatša mešomo ya bona. Badulasetulo ba Ntlo ba ka kgopelwa gape go sepetša ditulo tsa Ntlo.

Mediro ya Badulasetulo ba Ntlo e akaretša:

- Go tswalanya mešomo ya Dikomiti.
- Go beakanya dipego tsa melao
- Go tswalanya mešongwana ya maeto a Dikomiti
- Go fa thekgo ya sepolotiki le maano go Bahlankedi ba go Sepetša mediro.

Difepi Dikgolo

- Mokgatlo wo mongwe le wo mongwe wa dipolotiki ka Ntlong ya Bosetshaba (NA) o kgetha Sefepi Segolo seo se sepetšago ditaba tsa wona.
- Difepi di hlombokela Maloko a mekgatlo ya bona ya go fapano.

Moetapele wa Mošomo wa Mmušo

- Mopresidente o thwala Moetapele wa Mošomo wa Mmušo yo a šomago le bahlankedi ba Dintlo ka bobedi ga tšona.
- Moetapele wa Mošomo wa Mmušo o nale maikarabelo go hlombokeleng dikgahlego tsa Kabinete le mošomo wa Mmušo Palamenteng.
- Moetapele wa Mošomo wa Mmušo o netefatša gore Maloko a Kabinete a phethagatša mešomo ya bona ya palamente.